

А Ж Р И М

(муддатни тиклашни ва ишни қайта кўриб чиқишни рад қилиши тўғрисида)

2025 йил август ойининг 07 кунида фуқаролик ишлари бўйича Урганч туманлараро судининг ўз биносида очик суд мажлисида бўлиб

Раислик этувчи, судья М.А.Матякубов

судья ёрдамчиси Б.Фарходовнинг котиблигига,

даъвогар Урганч туман ҳокимлигининг жавобгар **Кучкаров Жамол Камиловичга** нисбатан ноқонуний қурилишни бузиш ҳақидаги фуқаролик иши юзасидан суднинг 2025 йил 13 майда чиқарилган ҳал қилув қарорини бекор қилиб, муддатни узрли деб топиш ва ишни мазмунан кўриб чиқишни тиклаш ҳақидаги жавобгар **Кучкаров Жамол Камиловичнинг** аризасини кўриб чиқиб куидагиларни

А Н И Қ Л А Д И М:

Аризачи **Кучкаров Жамол Камилович** судга ариза билан мурожаат қилиб, фуқаролик ишлари бўйича Урганч туманлараро судининг 2025 йил 13 майдаги ҳал қилув қарори билан жавобгар **Кучкаров Жамол Камилович** томонидан Урганч тумани “Ғалаба” қишлоғи, “Кумравот” маҳалласи 3-йўлак 4-кўча, 39/1-уй манзилида 800 кв.метр ер майдони ўзбошимчалик билан эгаллаб олиниб, шундан ноқонуний равища 44,16 кв.метр ер майдонида қурилган қурилма унинг ҳисобидан бузиб ташланиб, ер майдони олдинги холатга келтириш белгиланганлигини, ушбу ҳал қилув қароридан норозилигини баён қилиб, ўтказиб юборилган муддатни тиклашни, сиртдан қиқарилган ҳал қилув қарорини бекор қилиб, ишни ўзининг иштирокида қайта кўришни сўраган.

Суд мажлисида аризачи Кучкаров Жамол Камиловичнинг адвокати М.Кучкарова аризни қувватлаб ўтказиб юборилган муддатни тиклашни, сиртдан қиқарилган ҳал қилув қарорини бекор қилиб, ишни ўзининг иштирокида қайта кўришни сўради.

Суд мажлисига Урганч туман ҳокимлиги вакили тегишли тартибда чақиртирилиб суд мажлисининг вақти ва жойи тўғрисида огоҳлантирилган бўлсаларда, судга ноъмалум сабабларга қўра келмади. Шунинг учун суд, мазкур фуқаролик ишини Ўзбекистон Республикаси ФПКнинг 220-моддаси 3-қисмига асосан унинг иштирокисиз кўриб чиқишни лозим топади.

Ўзбекистон Республикаси Фуқаролик процессуал кодексининг 288-моддаси 1-қисмига кўра, сиртдан қабул қилинган ҳал қилув қарорини қайта кўриб чиқиш тўғрисидаги ариза у келиб тушган пайтдан эътиборан ўн кун ичида суд мажлисида кўриб чиқилади. Суд мажлисининг вақти ва жойи ҳақида хабардор қилинган шахсларнинг келмаганлиги аризани кўриб чиқиш учун тўсқинлик қилмайди.

Аниқланишича, фуқаролик ишлари бўйича Урганч туманлараро судининг 2025 йил 13 майдаги ҳал қилув қарори билан даъвогар Урганч туман ҳокимлигининг жавобгар **Кучкаров Жамол Камиловичга** нисбатан ноқонуний қурилишни бузиш ҳақидаги даъвоси қаноатлантирилиб, жавобгар **Кучкаров Жамол Камилович** томонидан Урганч тумани “Ғалаба” қишлоғи, “Кумравот” маҳалласи 3-йўлак 4-кўча, 39/1-уй манзилида 800 кв.метр ер майдони ўзбошимчалик билан эгаллаб олиниб, шундан ноқонуний равища 44,16

кв.метр ер майдонида қурилган қурилма унинг ҳисобидан бузиб ташланиб, ер майдони олдинги холатга келтириш белгиланган.

Тарафлар суд мажлисининг вақти ва жойи тўғрисида чақирув қоғозлари орқали хабардор қилинган бўлиб, суднинг ҳал қилув қарори ўз вақтида юборилган ҳамда жавобгар томонидан тегишли тартибда қабул қилиб олинган.

Ўзбекистон Республикаси ФГКнинг 155-моддасининг З-қисмига қўра, ўтказиб юборилган процессуал муддатни тиклаш тўғрисидаги илтимоснома процессуал ҳаракат амалга оширилиши ёки хужжат топширилиши лозим бўлган судга берилади ва ишда иштирок этувчи шахслар хабардор қилинган ҳолда суд мажлисида кўриб чиқилади. Бироқ бу шахсларнинг келмаганлиги илтимосномани кўриб чиқишга тўсқинлик қилмайди.

Аниқланишича, аризачи **Кучкаров Жамол Камилович** судга ушбу мазмундаги ариза билан мурожаат қилиб, суднинг 2025 йил 13 майда сиртдан чиқарилган ҳал қилув қарорини бекор қилиб, ўтказиб юборилган муддатни тиклашни, ишни мазмунан ўзининг иштирокида кўриб чиқишни сўрамоқда.

Иш мавжуд хужжатлар асосида жавобгарнинг иштирокисиз мазмунан кўриб чиқилган бўлиб, бунга чақирув қоғозлари асос сифатида қабул қилинган.

Ўзбекистон Республикаси Фуқаролик процессуал кодексининг 285-моддаси 1-қисмига қўра, жавобгар сиртдан ҳал қилув қарорини қабул қилган судга шу ҳал қилув қарори қабул қилинганидан кейин ўн беш кун ичida уни қайта кўриб чиқиш тўғрисида ариза беришга ҳақли.

Шунга кўра, суд сиртдан қабул қилинган ҳал қилув қарорини бекор қилиш тўғрисидаги аризани кўриб чиқиша, аризачининг суд мажлисига келмаганлигига узрли сабаблар борлиги, ўтказиб юборилган муддатни узрли деб топиш учун ишонч сазовор бўлган асослар мавжудлиги ҳақидаги, аризачи сиртдан қабул қилинган ҳал қилув қарорининг мазмунига таъсир кўрсатиши мумкин бўлган далилларни тақдим қилинмаганлиги сабабли, аризачи **Кучкаров Жамол Камилович**нинг аризасини қаноатлантирумасдан қолдиришни лозим топади.

Бинобарин, Ўзбекистон Республикаси Фуқаролик процессуал кодексининг 6, 271-272, 288-моддаларини қўллаб, суд

АЖРИМ ҚИЛАДИ:

Аризачи **Кучкаров Жамол Камилович**нинг суднинг 2025 йил 13 майдаги 2-2201-2512/4074-сонли сиртдан чиқарилган ҳал қилув қарорини бекор қилиб, ўтказиб юборилган муддатини ва ишни мазмунан кўриб чиқишни тиклаш ҳақидаги аризаси рад этилсин.

Ажримнинг муддати тиклашни рад қилиш қисмидан норози томон 20 кун муддат ичida шу суд орқали Хоразм вилоят судининг фуқаролик ишлари бўйича судлов ҳайъатига ап [REDACTED] да хусусий шикоят, прокурор эса хусусий протест бериши мумкун.

Раислик этувчи, судья



М.А.Матякубов